



010000, Астана, Парламент Мәжілісі
20 __ жылғы «__» _____
№ _____

010000, Астана, Мажилис Парламента
«__» _____ 20 __ года

2023 жылғы 4 қазанда жарияланған

Қазақстан Республикасының
Премьер-Министрі
Ә.А. Смайловқа

Қазақстан Республикасы
Ұлттық қауіпсіздік комитетінің
Төрағасы, ұлттық қауіпсіздік
генерал-лейтенанты
Е.А. Сағымбаевқа

ДЕПУТАТТЫҚ САУАЛ

**Құрметті Әлихан Асханұлы!
Құрметті Ермек Алдабергенұлы!**

Біздің сауалымыз басқа еді, бірақ мен бүгінгі дін жайлы парламентте көтеріліп жүрген маңызды тақырыпта сөйлесем деймін.

Құрметті әріптерестер, діни радикализмге заңмен қатаң тыйым салатын кез жетті! Ойткені олар ұлттық жою күресін қатты қарқынмен жалғастыруда.

«Ақ жол» партиясы парламентте талай жылдан бері діни теріс ағымдарға қатаң тосқауыл қоятын заң қабылдауды ұсынып келеміз.

2011 жылы бұл мәселені билік те қолға алыш, барлық министрлік пен Бас прокуратура мен Жоғары сот та қолдағанда, қай орган қарсы болды?!. Тек Ұлттық Қауіпсіздік комитеті қарсы шығып, осы тыйым салу заңға енбей қалды.

Мен мұны сол кезде Ұлттық Қауіпсіздік комитеті ұйымдастырыған конференцияда «Радикалдық теріс ағымдарға қарсы заң қабылдауға тек сіздер ғана қарсы болдыңыздар! Арамшөптің тамырын жоймаса, тек бетін ғана шапқан болса, ол қайта қаулап шыға береді. Сіздер осылай елді алдап келесіздер!» – деп, ашық айттым.

«Қазақ үні» газетіне: «Ұлттық қауіпсіздік комитеті – ұлтқа қауіпті комитет пе?»-деген мақала да жаздық.

Енді сол күдігіміз кешегі ҚАНТАР қасіретінде расқа айналды.

Ал 2009 жылы да дін заңына өзгерістер енгізілетін болды да, біз «Қазақ үні» газетінде Діни басқармамен бірігіп, заңға діни ағымдарға тыйым салатын бап енгізу мәселесін көтердік.

Бірақ соның өзінде біздің сол кездегі солқылдақ билік осы тыйым салу бабын енгізе алмады. Сол кездерде сол зандар қабылданғанда, содан кейінгі, ақыры Қаңтардың қанды қасабына айналған небір қайғылы оқиғалар, бір ұлттың діни теріс ағымдар арқылы екіге бөлінуі секілді қасіреттер болmas еді...

Кезінде академик Рахманқұл Бердібай «Қазақ үні» газетінде жазғандай, «Хазария қасіретін» ұмытпайық! 7-10 ғасырларда өмір сурген,

1) еліне барлық діни ағымдарды кіргізген,

2) көп дінді, көп тілді ел,

3) билігінен бастап, саудагерлеріне дейін өзге тілде сөйлеген Хазариядай түркі мемлекеті қазір қайда? Картада жоқ!-Жойылып кетті!

«Діні бар да, ұлты жоқ, Сақалы бар да, мұрты жоқ, Ел тұбіне сол жетер!» – деп, бір ғасыр бұрын жазған Мәшіүр Жұсіп әулие шынында көреген екен.

Мен өзім осы жасымда кешеге дейін мұрты жоқ сақалдыларды көрген емеспін. Мұрты жоқ, тек сақалы сапсиып тұрған Хан Абылайды, Әйтке, Төле, Қазыбек билерді, Ер Махамбет, Ұлы Абай, Жамбыл, Элихандарды елестете аламыз ба?!. Қазіргі шет елге барып, күмәнді оқуларда бірнеше ай оқып келген теріс ағымды «ұстаздар» осы ұлыларымыздан артық, ақылы асып, білімі тасып келгендер ме?

Қазір ән әлемінде, айтыста, спортта да тайрандан жүрген жат ағымның өкілдері дінді жамылып алыш, әріптестері мен әнсүйер, жанкуйерлеріне өз «салттарын» кіргізіп жатыр.

Отken 30 жылдық теріс саясат қазақтың «нұр» деген жалынды сөзін жағымсыз сөзге айналдыrsa, теріс діни ағымдар тіпті, ең қымбат, ана деген аяулы атпен қатар аталатын «Шеше» деген қастерлі атауга қара қүйе жағып, «ұстаз» деген ұлағатты ұғымның мәнін құртты.

Діни теріс ағымдағылар елді екіге бөліп, мылтықсыз-ақ мындаған жастарымызды қазақтың қатарынан шығарып қана қоймай, ұлтты жою үшін елге қарсы қауіпті қүштерге айналдырып жатыр.

Дінге, тілге, жерге қарсы елбұзар теріс ағымдардың бәріне заңмен тоқсауыл қойылуы тиіс!

Ел үшін ең қымбат Ұлтқа, адам үшін ең аяулы - Әке-Шешеге, Қазаққа ең адап Домбыраға қарсы харам пиғылдылардың еркін тарап жатқан Ел тұбіне жетер вирусын шүғыл заңмен тоқтататын кез жетті!

Ұлттық мұддеміз берілгенде, ел бірлігіне балта шауып, Мемлекетке тағы да қатер төндіріп жатқан Діни теріс ағымдарға заңмен қатаң тыйым салу қажет!

Бұдан кейін кеш болады!

**Құрметпен,
«Ақ жол» фракциясының мүшелері:**

**Қ. Иса
А. Перуашев**

**Д. Еспаева
Е. Барлыбаев
Е. Бейсенбаев
А. Садықов**

«Amanat» фракциясының мүшелері:

**Н. Сәрсенғалиев
С. Пономарев
М. Жайымбетов
М. Толықбаев
Е. Әбдиев
С. Мусабаев
Е. Жаңбыршин
Г. Нұрымова**

«Respublica» фракция мүшесі:

Н. Тау

**«Қазақстан Халық партиясы»
фракция мүшелері:**

**Г. Танашева
И. Смирнова**

**«Жалпыұлттық
социал-демократиялық партиясы»
фракция мүшесі:**

Н. Әуесбаев

**Қазақстан Республикасы
Парламент Мәжілісінің
бірмандасты депутаттар:**

**Д. Мұқаев
А. Құспан**